

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



二. 十住 – 忉利天宮

佛昇須彌頂品

菩薩雲集妙勝殿上說偈品

菩薩十住品

梵行品

初發心菩薩功德品

明法品



華嚴經佛昇須彌山頂品之迎佛勝妙殿

合會因果	爾時，如來威神力故，十方一切諸佛世界諸四天下，一一閻浮提，皆有如來坐菩提樹下，無不顯現。彼諸菩薩各承佛神力，說種種法。皆悉自謂：在於佛所。爾時，世尊威神力故，不起此座，昇須彌頂，向帝釋殿。（不離菩提樹下即住自性地普光明殿）
（初入帝釋位敷座無十菩薩迎佛）	爾時，帝釋遙見佛來，即於妙勝殿上，敷置眾寶師子之座。
	以萬種雜寶而莊嚴之；
	萬種寶帳彌覆其上；
	以萬寶網而絞絡之；
	次上萬種眾妙寶蓋、
	天繒雜寶以為垂帶；
	萬種瓔珞而莊嚴之；
	萬種寶衣以敷座上。
	一萬天子在前立侍；
	一萬梵天而圍遶之；
	一萬光明以為照耀。
迎佛入殿	爾時，帝釋為佛莊嚴師子座已，合掌恭敬白佛言：善來世尊！唯願哀處我此宮殿。
十方同入	爾時，世尊即受其請，昇妙勝殿；一切十方亦復如是。
憶念說讚	爾時，帝釋無量樂音，佛神力故，寂然無聲。即自憶念於過去佛所種諸善根，以偈頌曰：
往昔十住位十佛	佛 迦葉如來具大慈，諸吉祥中最無上，彼佛曾來入此處，是故此地最吉祥。
	法 拘那牟尼慧無礙，諸吉祥中最無上，彼佛曾來入此處，是故此地最吉祥。
	僧 拘樓佛身如金山，諸吉祥中最無上，彼佛曾來入此處，是故此地最吉祥。
	精進 隨葉如來離三垢，諸吉祥中最無上，彼佛曾來入此處，是故此地最吉祥。
	禪定 尸棄如來常寂然，諸吉祥中最無上，彼佛曾來入此處，是故此地最吉祥。
	般若 毘婆尸佛如滿月，諸吉祥中最無上，彼佛曾來入此處，是故此地最吉祥。
	方便 弗沙明達第一義，諸吉祥中最無上，彼佛曾來入此處，是故此地最吉祥。
	願 提舍如來辯無礙，諸吉祥中最無上，彼佛曾來入此處，是故此地最吉祥。
	力 波頭摩佛淨無垢，諸吉祥中最無上，彼佛曾來入此處，是故此地最吉祥。
	智 錠光如來明普照，諸吉祥中最無上，彼佛曾來入此處，是故此地最吉祥。
十方同入	如此聞帝釋，佛神力故，以偈讚歎十佛功德；如是十方帝釋，各自憶念過去佛所所種善根，以偈讚歎亦復如是。爾時，世尊昇師子座，結跏趺坐。坐已，宮殿忽然廣博如忉利天處，一切十方，亦復如是。